



UPRAVA POLICIJE

Broj: 05-04/04-2-30-747/26

Datum: 17.07.2026. godine

Na osnovu člana 26. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“, broj: 13/16, 16/17 i 8/24) i člana 72. i 73. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17, 15/20 i 27/25), direktor Uprave policije Ministarstva unutrašnjih poslova Unsko-sanskog kantona Bihać, objavljuje:

JAVNI OGLAS

**za prijem namještenika na neodređeno vrijeme u Upravi policije
Ministarstva unutrašnjih poslova Unsko-sanskog kantona**

I Naziv radnog mjesta i broj izvršilaca

1. Sektor za materijalno – finansijske poslove i informacijsko – komunikacijske tehnologije
Odsjek za kriptozastitu, sigurnost i prijenos podataka
Viši referent–operater za kriptozastitu i prijenos podataka.....1 (jedan) izvršilac;
2. Sektor za materijalno-finanacijske poslove i informacijsko-komunikacijske tehnologije,
Odsjek za telekomunikacije i tehniku
Viši referent–mehaničar za veze i aggregate.....1 (jedan) izvršilac;
3. Sektor za materijalno-finanacijske poslove i informacijsko-komunikacijske tehnologije,
Odsjek za telekomunikacije i tehniku
Viši referent–mehaničar za TT veze.....1 (jedan) izvršilac.

II Opis poslova radnog mjesta

1. Viši referent–operater za kriptozastitu i prijenos podataka-prima polazne depeše i priloge na šalteru i putem LAN mreže i dostupnih medija vrši obradu istih, njihovu kriptozastitu, te šalje putem postojećih zaštićenih mreža na adresu primaoca, vrši njihovo protokolisanje u potrebne evidencije (elektronski i u knjige), prima dolazne kriptografski zaštićene datoteke putem postojećih zaštićenih mreža, vrši obradu istih, vodi potrebne evidencije, vrši njihovo protokolisanje u potrebne evidencije (elektronski i u knjige), vrši primopredaju akata i druge dokumentacije putem FAX uređaja i/ili elektronske pošte, vodi potrebnu evidenciju, uručuje dokumenta putem šaltera ili LAN mreže, vrši proslijeđivanje za druge primaoca, vrši njihovo protokolisanje u potrebne evidencije (elektronski i u knjige), vrši spajanje dolaznih/odlaznih poziva na posredniku- telefonskoj centrali, nadzire rad uređaja i opreme sa kojima dolazi u kontakt, brine o uređajima i opremi koji se nalaze u Centru za KZ, vrši trebovanja, zamjene tonera, kertridža, ribona i sl. u printerima, fax uređajima itd., opslužuje mrežne printere potrebnim repromaterijalom (papir i sl.), brine o vođenju i čuvanju dokumenata za KZ, stvara i čuva potrebnu dokumentaciju, softverske korekcije, instalacije programa, nadgleda rad na računarima i vrši potrebne korekcije (prvo stupanjska podrška), vrši unos podataka, izrada

generiranih izvještaja, informacija, kao i implementacija „back-up“ strategija, prikuplja, uređuje i obrađuje dolazne/polazne datoteke depeša, pravi protokol dnevnog prometa, i o tome pravi dnevni izvještaj, po potrebi koristi i druga sredstva veze, vrši provjeru stanja između ostalog i radio-veza, brine o raspoloživim sredstvima veze - o njihovom stanju, vodi potrebne evidencije, obavlja i druge poslove vezano za opis poslova radnog mjesta koje mu odredi neposredni rukovodilac.

Iznos osnovne neto plate propisane za radno mjesto – 1.337.83 KM.

2. Viši referent–mehaničar za veze i agregate-obavlja poslove na sredstvima veze, njihovo sređivanje i vršenje drugih neposredno vezanih i sličnih poslova; radi na održavanju svih vrsta radio uređaja i prateće opreme neophodne za funkcioniranje sistema radio veza; obavlja sva redovna periodična i vanredna mjerenja tehničkih karakteristika radio uređaja; vodi evidenciju o kvarovima i uzrocima kvarova na radio uređajima; obavlja svakodnevnu provjeru sistema radio veza; obavlja montažu i demontažu radio uređaja u službena vozila i službene objekte; obavlja montažu i demontažu uređaja koje koristi Uprava policije u svom operativnom radu; obavlja održavanje radarskog sistema; upravlja servisnim vozilom; brine se o funkcionalnosti agregata i uređaja za besprekidno napajanje; obavlja i druge poslove vezane za opis poslova radnog mjesta koje mu odredi neposredni rukovodilac.

Iznos osnovne neto plate propisane za radno mjesto – 1.337.83 KM.

3. Viši referent–mehaničar za TT veze-obavlja poslove na sredstvima veze, njihovo sređivanje i vršenje drugih sličnih poslova; unošenje, koordinacija i logičku provjera podataka i baze podataka; radi na poslovima održavanja svih vrsta telefonskih i prenosnih centralnih i perifernih uređaja, kao i instalacija prateće opreme; obavlja svakodnevnu provjeru ispravnosti sistema TT veza i o tome vodi evidenciju; vodi evidenciju o kvarovima na TT vezama i uređajima; vodi evidenciju o uzrocima i trajanjima kvarova kao i utrošku repromaterijala potrebnog za održavanje uređaja; obavlja montažu i demontažu TT uređaja i instalacija i vodi evidenciju u obliku knjige i kartoteke o prosljeđivanju veza; upravlja sa servisnim vozilom; obavlja i druge poslove vezane za opis poslova radnog mjesta koje mu odredi neposredni rukovodilac.

Iznos osnovne neto plate propisane za radno mjesto – 1.337.83 KM.

III Uvjeti za obavljanje poslova radnog mjesta

Kandidati moraju ispunjavati opće uvjete iz člana 76. Zakona o državnoj službi u Unsko-sanskom kantonu:

- a) da je državljanin Bosne i Hercegovine,
- b) da je stariji od 18 godina,
- c) da je zdravstveno sposobno za obavljanje poslova utvrđenih za to radno mjesto,
- d) da ima odgovarajuću vrstu i stepen školske spremne,
- e) da u posljednje dvije godine od dana objavljivanja javnog oglasa nije otpušteno iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini,
- f) da nije obuhvaćen odredbom člana IX.1. Ustava Bosne i Hercegovine,
- g) da se protiv njega ne vodi krivični postupak.

Pored općih uvjeta, kandidati moraju ispunjavati i posebne uvjete utvrđene Pravilnikom o unutrašnjoj organizaciji Ministarstva unutrašnjih poslova Unsko-sanskog kantona broj: 05-01-02-48/17 od 05.10.2018. godine, broj: 05-01-02-48/17 od 19.09.2019. godine, broj: 05-01-02-48/17 od 02.12.2019. godine, broj: 05-01-02-48/17 od 29.12.2021. godine, broj: 05-01-02-

48/17 od 14.06.2022. godine, broj: 05-01-02-48/17 od 05.08.2022. godine, broj: 05-01-02-48/17 od 19.07.2024. godine, 05-01-02-48/17 i 05.02.2025.godine, i to:

1. Viši referent–operater za kriptozastitu i prijenos podataka
 - IV stepen - tehnička, informatička, ekonomska škola, gimnazija, upravna škola,
 - najmanje 10 mjeseci radnog iskustva,
 - položen stručni ispit,
 - stepen tajnosti: „POVJERLJIVO“.
2. Viši referent–mehaničar za veze i agregate
 - IV stepen - tehnička, informatička, ekonomska škola,
 - najmanje 10 mjeseci radnog iskustva,
 - položen stručni ispit,
 - stepen tajnosti: „POVJERLJIVO“.
3. Viši referent–mehaničar za TT veze
 - IV stepen– tehnička, informatička, ekonomska škola, gimnazija, upravna škola,
 - najmanje 10 mjeseci radnog iskustva,
 - položen stručni ispit,
 - stepen tajnosti: „POVJERLJIVO“.

Osnovni propisi koji se koriste za obavljanje poslova radnog mjesta

1. Viši referent–operater za kriptozastitu i prijenos podataka
 - Zakon o zaštiti tajnih podataka,
 - Zakon o zaštiti ličnih podataka,
 - Zakon o elektronskom, pravnom i poslovnom prometu,
 - Zakon o telekomunikacijama,
 - ISO27001/17799 norme i standardi,
 - Pravilnik o načinu pristupa evidencijama i razmjeni podataka,
 - Uputstvo o načinu elektronske provjere i drugi propisi iz opisa poslova radnog mjesta.
2. Viši referent–mehaničar za veze i agregate
 - Zakon o zaštiti tajnih podataka,
 - Zakon o zaštiti ličnih podataka,
 - Zakon o telekomunikacijama,
 - Uputstvo o organizovanju rada stanice kriptozastite i veza,
 - Uputstvo za pripremu i rukovanju depešama,
 - Uputstvo o sistemu kriptografske zaštite informacija koje se prenose sistemom veza,
 - Uputstvo o sistemu veza za prenos kriptografskih zaštićenih informacija,
 - Pravilnik o načinu pristupa evidencijama i razmjeni podataka,
 - Uputstvo o načinu elektronske provjere podataka i drugi propisi iz opisa poslova radnog mjesta.
3. Viši referent–mehaničar za TT veze
 - Zakon o zaštiti tajnih podataka,
 - Zakon o zaštiti ličnih podataka,
 - Zakon o telekomunikacijama,
 - Uputstvo o organizovanju rada stanice kriptozastite i veza,
 - Uputstvo za pripremu i rukovanju depešama,
 - Uputstvo o sistemu kriptografske zaštite informacija koje se prenose sistemom veza,
 - Uputstvo o sistemu veza za prenos kriptografskih zaštićenih informacija,
 - Pravilnik o načinu pristupa evidencijama i razmjeni podataka,

- Uputstvo o načinu elektronske provjere podataka i drugi propisi iz opisa poslova radnog mjesta.

IV Prijavljivanje na oglas i spisak potrebnih dokumenata kojima se dokazuje ispunjavanje uvjeta oglasa

Kandidati se prijavljuju na oglas dostavljanjem prijave.

Kandidati su dužni uz svoju prijavu, dostaviti originale ili ovjerene kopije sljedeće dokumentacije (original ili ovjerene kopije ne mogu biti starije od 6 mjeseci):

- a) Potpisanu prijavu na Javni oglas sa kratkom biografijom i kontakt podacima (adresa i broj telefona),
- b) Izvod iz matične knjige rođenih,
- c) Uvjerenje o državljanstvu,
- d) Diploma/Svjedočanstvo o završenoj stručnoj spremi odgovarajuće vrste i stepena tražena Javnim oglasom. Diploma mora biti nostrificirana ukoliko diploma nije stečena u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine,
- e) Dokaz o radnom iskustvu u struci,
- f) Dokaz o položenom stručnom ispitu,
- g) Ovjerena izjava da kandidat u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini,
- h) Ovjerena izjava da kandidat nije obuhvaćen odredbom člana IX.1. Ustava Bosne i Hercegovine.

NAPOMENA:

Pod radnim iskustvom podrazumijeva se radno iskustvo koje je namještenik ostvario na poslovima svoje struke poslije završene srednje škole. U radno iskustvo računa se i radno iskustvo ostvareno na poslovima višeg nivoa školske odnosno stručne spreme u odnosu na nivo i vrstu školske odnosno stručne spreme koja se traži pravilnikom o unutrašnjoj organizaciji.

Ukoliko određeno lice posjeduje viši nivo školske odnosno stručne spreme u odnosu na vrstu i nivo školske odnosno stručne spreme koja se traži pravilnikom o unutrašnjoj organizaciji, smatra se da ispunjava uslove koji se odnose na traženi nivo i vrstu školske odnosno stručne spreme.

Kandidati koji se prijave na ovaj oglas koji u vrijeme oglasne procedure nemaju položen stručni ispit, a imaju navršen radni staž ili pripravništvo u trajanju od šest mjeseci, mogu se primiti u radni odnos, ali su dužni položiti stručni ispit najkasnije u roku od šest mjeseci od dana prijema u radni odnos, u organ državne službe, u skladu sa članom 80. stav (4) Zakona o državnoj službi u Unsko-sanskom kantonu.

Kandidat koji bude izabran u obavezi je dostaviti Uvjerenje da se protiv njega ne vodi krivični postupak i Ljekarsko uvjerenje da je sposoban za obavljanje poslova utvrđenih za radno mjesto iz Javnog oglasa.

Lice koje je rođeno poslije 1980. godine nije dužno dostaviti ovjerenu izjavu da nije obuhvaćen odredbom člana IX.1. Ustava Bosne i Hercegovine.

Članom 30. stav (1) Zakona o zaštiti tajnih podataka („Službeni glasnik BiH“, broj: 54/05 i 12/09) propisano je da osobe koje rade ili se prijavljuju za rad na radno mjesto na kojem se proizvode tajni podaci, u organu koji se bavi obavještajnim ili pitanjima iz oblasti odbrane i sigurnosti, bit će predmet osnovnog sigurnosnog provjeravanja u skladu s postupkom za izdavanje dozvole za pristup tajnim podacima stepena „POVJERLJIVO“.

Članom 31. stav (1) istog Zakona propisano je da će se sigurnosne provjere za osobe koje konkuriraju za radno mjesto, obaviti prije prijema u radni odnos.

Kandidat za kojeg se utvrde sigurnosne smetnje neće biti primljen u radni odnos za koji je obavljena sigurnosna provjera.

V Objava javnog oglasa i rok za podnošenje prijava

Javni oglas objavljuje se na internet stranici Ministarstva unutrašnjih poslova Unsko-sanskog kantona.

Javni oglas ostaje otvoren 15 (petnaest) dana od dana objave na internet stranici Ministarstva unutrašnjih poslova Unsko-sanskog kantona.

VI Mjesto i način dostavljanja prijava

Prijava se podnosi u zatvorenoj koverti neposredno na pisarnici Ministarstva unutrašnjih poslova Unsko-sanskog kantona, 502.Viteške brigade broj: 2., Bihać ili se dostavlja putem pošte preporučeno na adresu:

Ministarstvo unutrašnjih poslova Unsko-sanskog kantona
Uprava policije
502.Viteške brigade broj: 2.
77000 Bihać

sa naznakom

“JAVNI OGLAS
za prijem namještenika na neodređeno vrijeme u Upravi policije
Ministarstva unutrašnjih poslova Unsko-sanskog kantona za radno mjesto

(navesti radno mjesto ili mjesta na koje se prijavljuje)
„NE OTVARAJ“

Neblagovremene, nepotpune i neuredne prijave neće biti razmatrane.

Kandidatima koji ne budu izabrani dokumentacija se neće vraćati.

DIREKTOR
Generalni inspektor policije

Omer Tahirović



502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba, info@mupusk.gov.ba